


V

G133.76

T78

2

臟腑證治圖說人鏡經卷之二
脾胃圖



已脾土主足太陰經辰胃主足陽明經此二經爲表裏位居中央謂之孤藏其形如馬蹄內包胃脘象土形也諸經之氣交歸於中以營運真靈之氣意之舍也又云脾爲陰藏位處中焦主養四藏故呼吸以受穀氣以其上有心肺下有腎肝故曰在中又云脾掩乎太倉脂膜相連附着於脊之第十一椎脘音管經云脾胃者倉廩之官五味出焉又云腹爲陰陰中之至陰脾也

靈樞云脾重三斤三兩扁廣三寸長五寸有散膏半斤主裹血主藏榮又云脾藏意與智

莊經云脾色黃其臭香其味甘其聲歌其液涎

土寄王於四季尤王於長夏長夏六月相於夏廢於秋囚

於冬死於春其王日戊己王時食時日食時侵晨至食時也

日困日壬癸困時人定夜半死日甲乙死時平旦

日出皆本時也

經曰脾胃大小腸三焦膀胱者倉廩之本營之居也名曰噐能化糟粕轉味而出入者也其華在唇四白其充在肌此至陰之類通於土氣中央黃色入通於脾開竅於口藏精於脾故病在舌本

脾氣通於口口和則知穀味矣

穀氣通於脾

精氣并於脾則畏

脾惡濕

甘走肉肉病無多食甘

久坐傷肉勞於脾也

飲食勞倦則傷脾

損其脾者調其飲食適其寒溫

帝曰脾病而四肢不用何也岐伯曰四肢皆稟氣於胃而不得經至必因於脾乃得稟也今脾病不能爲胃行其津液四肢不得稟水穀氣氣日以衰脉道不利筋骨肌肉皆無氣以生故不用焉

帝曰脾不主時何也曰脾者土也治中央常以四時長四藏各十八日寄治不得獨主於時也

脾藏者常著胃土之精也土者生萬物而法天地故上不至頭下不至足不得主時也

帝曰脾與胃以膜相連耳而能爲之行其津液何也

答曰足太陰者三陰也其脉貫胃屬脾絡嗑故太陰

爲之行氣於三陽藏府各因其經而受氣於陽明

足太陰氣絕則脉不榮其口唇口唇者肌肉之本也

脉不榮則肌肉不滑澤肌肉不滑澤則肉滿肉滿則唇反唇反則肉先死甲日篤乙日死

假令得脾脉其外證面黃善噫善思善味其內證當臍有動氣按之牢若痛其病腹脹滿食不消體重節痛怠惰嗜臥四肢不收有是者脾也無是者非也

脾俞在背十一椎傍募在腹傍章門胃俞在十二椎傍募在太倉

黃欲如羅裹雄黃不欲如黃土又云如縞裹括萆實者生又曰黃如蟹腹者生如枳實者死

括萆即瓜萆也

脾熱病鼻先赤

脾熱病者先頭重頰痛煩心欲嘔身熱熱爭則腰痛不可俯仰腹滿泄兩頤痛甲乙甚戊己大汗氣逆則甲乙死刺足太陰陽明

脾氣虛則四肢不用五藏不安實則腹脹涇溲不利脾氣虛則夢飲食不足氣盛則夢歌樂體重肢不舉厥氣客於脾則夢丘陵大澤壞屋風雨

脾弱病下利白腸垢大便堅不更衣汗出不止或五

液注下五色

不更衣不大便也貴者入廁必更衣故云

脾脹者善噦四肢悉體重不能勝衣

噦苑入聲

臥不安

脾水者腹大四肢重津液不生但苦少氣小便難

脾約者大便堅小便利而反不渴

脾瘧者令人寒腹中痛熱則腸中鳴鳴已汗出刺足太陰

腎移熱於脾傳為虛腸澼死不可治

脾欬之狀欬則右肱下痛陰陰引肩背甚則不可以動動則欬劇

脾風之狀多汗惡風身體怠惰四肢不欲動色薄微

黃不嗜食診在鼻上其色黃診色診視也

脾痺者四肢懈惰發欬嘔汁上為大塞

脾氣熱則胃乾而渴肌肉不仁發為肉痿

脾病者必身重善饑唇黃肉痿足不收善瘕音氣脚下

痛虛則腹脹腸鳴澹泄食不化取其經足太陰陽明

脾之積名曰痞氣

右關脾胃脉所出浮而遲脾也浮緩而稍疾胃也

脾脉大而緩脾合肌肉脾脉循肌肉而行持脉指法

如九菽之重按至肌肉而得者如微風輕飈音柳梢

之狀為緩又稍加力脉道敦實為大也

帝曰四時之序逆從之變異也然脾脉獨何主岐伯

曰脾脉者土也孤藏以灌四傍者也帝曰然則脾善

惡可得見之乎曰善者不可得見惡者可見曰惡者

何如可見曰其來如水之流者此謂太過病在外如鳥之喙者喙音煦鳥嘴也此謂不及病在中太過則令人四

肢不舉不及則令人九竅不通名曰重強

脉來實而盈數如雞舉足曰脾病

脉來堅銳如鳥之喙如鳥之距如屋之漏如水之流

曰脾死

真脾脉至弱而乍疎乍數色青黃不澤毛折乃死

脾脉堅搏而長其色黃當病少氣其音軟而散色不

澤者當足胛音抗胛骨也腫若水狀也

胃重二斤一兩紆曲屈伸長二尺六寸大一尺五寸

徑五寸容穀二斗水一斗五升

胃者倉廩之官布養四藏故五藏皆稟氣於胃乃五

藏之本故食氣入胃散精於肝淫氣於筋食氣入胃

濁氣歸心淫精於脉脉氣流經經氣歸於肺肺朝百

脉輸精於皮毛毛脉合精行氣於府府精神明留於

四藏氣歸於權衡權衡以平氣口成寸以決死生

飲入於胃遊溢精氣上輸於脾脾氣散精上歸於肺

通調水道下輸膀胱水精四布五經並行合於四時

五藏陰陽揆度以爲常也

帝曰氣口何以獨爲五藏主岐伯曰胃者水穀之海

六府之大源也五味入口藏於胃以養五藏氣口太陰也是以五藏六府之氣皆出於胃變見於氣口

東垣治內傷主於脾胃其謂脾司轉運之職胃為受納之府運納無窮故能運化精微以分清濁生長血氣營養於身是平人也若飲食失節脾胃乃傷脾傷則不能運化胃傷則不能容納而諸病生矣

丹溪云百病先觀胃氣何如

胃病者腹脹胃脘當心而痛上支兩脇咽膈不通飲

食不下取三里

三里穴也

厥氣客於胃則夢飲食

胃脹者腹滿胃脘痛鼻聞焦臭妨於食大便難

胃瘧者令人疸病也善饑而不能食食而支滿腹大

刺足陽明太陰橫脉出血

胃風之狀頸多汗惡風食飲不下鬲塞不通腹善滿

失衣則腹脹食寒則泄胗形瘦而腹大

胗唇也

按孫真

人云新食竟取風為胃風

穀入於胃脉道乃行

大腸移熱於胃善食而瘦又謂之食飢

音積

人以水穀為本故人絕水穀則死脉無胃氣亦死所

謂無胃氣者但得真藏脉不得胃氣也

胃者水穀之海主稟四時皆以胃氣爲本是謂四時之變病死生之要會也

胃脉實則脹虛則泄

帝曰見真臟脉者死何也岐伯曰五臟者皆稟氣於胃胃者五藏之本也藏氣者不能自致於手太陰必因於胃氣乃至於手太陰也故五藏各以其時自爲而至於手太陰也故邪氣勝者精氣衰也故病甚者胃氣不能與之俱至於手太陰故真臟之氣獨見病勝臟故曰死

胃之大絡名曰虛里貫膈絡肺出於左乳下其動應衣脉宗氣也

胃爲之市水穀所歸五味所入如市之雜也太素云胃者大倉也胃之五竅

謂咽胃大腸小腸膀胱也

問里門戶也

脾之大絡名曰大包其系自膈下正中微着左脇於胃之上與胃包絡相附矣其胃之包在脾之上與胃相並結絡周回漫脂遍布上下有二系上者貫膈入肺中與肺系相並而在肺系之後其上卽咽門也咽下胃脘也胃脘下卽胃上口賁門是也水穀自此而入以胃出穀氣傳之於肺肺在膈上因曰賁門其門處膈膜相貼之間亦漫脂相包若胃中腐熟水穀則

自幽門而傳入小腸故曰太倉之下口爲幽門其位幽隱故名之也

胃脉搏堅而長其色赤當病折髀音陞其栗而散者當

病食痺

跌

音夫

陽脉浮者胃氣虛也數者胃有熱卽消穀引食

瀉者胃中有寒水穀不化粗而浮者其病難治浮遲者久病

飲食自倍腸胃乃傷

脾應肉肉脘

菌同音窞腹內脂也

堅大者胃厚肉脘磨者胃薄

肉脘小而磨者胃不堅肉脘不稱身者胃下胃下者

下脘約不利也肉脘不堅者胃緩肉脘無小裏累者

胃急肉脘多小裏累者胃結胃結者上脘約不利也

胃脉若沉瀉者氣逆氣逆者人迎甚盛人迎者胃脉

也逆則盛而熱聚於胃口而不行故胃脘爲癰也

脾脉急甚爲癰瘕

音訟

微急爲膈滿不食

緩甚爲痿厥微緩爲風痿四肢不用

大甚爲擊仆微大爲痞氣暴大膿血在腸胃之外

小甚爲寒熱微小爲消痺

音疸

滑甚爲頽癰

頽下墜也

微滑爲蟲毒腸鳴熱

瀉甚爲腸癰微瀉爲內癰多下膿血也

足太陰脾經



凡二十一穴左右兩行共四十二穴自衝陽過交與足太指隱白循腿腹上行至腋下大包穴止

足太陰脾脉起於大指之端循指內側白肉際過

覈骨後太上內踝前廉商上腠音內循胛音骨後交

出厥陰之前上循膝股內前廉陰入腹屬脾絡胃

上膈挾咽連舌本舌根散舌下其支者復從胃別上

膈注心中蹠蛙
上聲

拇指內側隱白位大都節後陷中據太白覈骨下陷

中公孫節後一寸至商丘有穴屬金經蹠下微前陷

中是內踝三寸三陰交漏谷六寸有次第膝下五寸

為地機陰陵內側膝輔際血海分明膝臑上內廉肉

際二寸地箕門血海上六寸筋間動脉須詳諦衝門

腮字誤去
多口者爲

誤依旁注

足陽明胃之脉起於鼻交頰中

頰音遏鼻根也

旁約太陽之

脉下循鼻外入上齒中還出挾口環唇下交承漿却

循頤後下廉出大迎循頰車上耳前過客主人循髮

際至額顙腮其支別者從大迎前下人迎循喉嚨入

缺盆下膈屬胃絡脾其直行者從缺盆下乳內廉下

挾臍入氣衝中其支者起胃下口

幽門之處

循腹裏下至

氣衝中而合以下髀關抵伏兔下膝臑

中下循胫

外廉下足跗

音夫

入中指外間其支者下膝三寸而別

以下入中指外間其支者別跗上入大指間出

其端

胃之經今足陽明頭維本神寸五尋下關耳前動脉

處頰車耳下八分鍼承泣目下七分取四白一寸不

可深巨窅孔傍八分定地倉挾吻

音劓

四分臨大迎頤

前寸三分人迎結傍大脉真水突在頸大筋下直居

氣上下於人氣舍迎下挾天突缺盆橫骨陷中親氣

戶俞府傍二寸至乳六寸四分陳庫房屋翳膺窓近

兩乳中心名乳中次有乳根出乳下各寸六分相去

同穴挾幽門一寸五是穴不容依法數其下承滿至

梁門關門太乙從頭舉節次挨排滑肉門門各一寸

爲定理天樞正在挾臍旁外陵樞下一寸當二寸大

巨五水道歸來二寸已相將氣衝曲骨傍三寸來下

氣衝脉中央髀關伏兔後交分伏兔市上三寸強陰
市膝上三寸許梁丘二寸得共量膝臑音汗胛下尋
犢鼻膝眼二穴在兩傍膝下三寸三里位里下三寸
上廉地條口上廉下一寸下廉條下一寸係豐隆下
廉外一寸上踝八寸分明記解谿衝陽後寸半衝陽
陷上二寸據陷谷內庭後二寸內庭次指外間是厲
兌大指次指端去爪韭葉胃起處

足陽明胃經多血多氣

是動病則洒洒然振寒善伸伸數欠顏黑病至則惡人
與火聞木聲則惕然而驚心欲動獨閉戶牖而處甚
則欲上高而歌棄衣而走責嚮腹脹是爲胛厥是主

血血字當作氣字

所生病者狂瘧濕淫汗出𩑦𩑦口喎脣胛音疹頸腫

喉痺大腹水腫膝臑腫痛循膺乳氣街股伏兔胛外

廉足跗上皆痛中指不用氣盛則身以前皆熱其有

餘於胃則消穀善饑溺色黃氣不足則身以前皆寒

慄胃中寒則脹滿盛者人迎左大三倍於寸口右虛

者人迎反小於寸口也

太陰司天濕淫所勝平以苦熱佐以酸辛以苦燥之
以淡泄之濕上甚而熱治以苦溫佐以甘辛以汗爲

故而止

主上半年

在泉濕淫於內治以苦熱佐以酸淡以苦燥之以淡

泄之

主下半年

六氣太陰之勝治以鹹熱佐以辛甘以苦瀉之

太陰之復治以苦熱佐以辛酸以苦瀉之燥之泄之
土位之主其瀉以苦其補以甘

太陰之客以甘補之以苦瀉之以甘緩之

甲己化土土運之音曰宮甲爲陽太宮乙爲陰少宮

平運正宮

中央屬土而生濕高山土濕泉出地中水源山隈雲
生巖谷則其象也夫性內蘊動而爲用則雨降雲騰
中央生濕不遠信矣故歷候記土潤溽暑於六月
土運太過敦阜之紀其政陰雨濕潤腎水受邪民病
腹痛清厥意不樂體重煩冤上應鎮星

土運不及卑監之紀其政雨水愆期土衰風行草木
茂榮飄揚而甚秀而不實民病飧泄霍亂體重腹痛
筋骨繇即復肌肉𦵏酸善怒藏氣舉事蟄蟲早附咸
病寒中上應歲星

土運平氣備化之紀氣協天休德流四政五化齊修
其氣平其性順其化豐其政靜其候溽蒸其藏脾其

畏風其主口其實肉其蟲裸其畜牛其病痞

太陰濕土主四之氣在大暑後六十日有奇天度至此雲雨大行濕蒸乃作

太陰司天濕淫所勝則沉陰旦布雨變枯槁民病肘腫骨痛陰痺腰脊頭項痛時大便難陰氣不用饑不欲食欬唾則有血心懸如饑病本於腎太谿脉絕者死不治

太陰在泉濕淫所勝則埃昏巖谷黃反見黑至陰之交民病飲積心痛耳聾渾渾焞焞

渾濁也焞音敦火鬱也

噤腫

喉痺陰病血見小腹痛腫不得小便病衝頭痛目似脫項似拔腰似折髀不可以回膈如結臍如別病在膀胱

足太陰陽明引經藥歌

已脾歸縮芪防智代赭茺萸赤茯苓蒼白蔻草麻飴
半玄胡白芍縮砂行
辰胃丁防砂蔻木半知葱葛麴蒼烏石膏白芷升檀
木下治相宜効不辜

脾胃補瀉藥方

脾胃土味甘補苦瀉氣溫涼寒熱補瀉各從其宜逆順互換入求責法

責法言必求病化有無盛虛真假以施治法

脾苦濕急食苦以燥之脾欲緩急食甘以緩之以甘補之以苦瀉之

脾氣鬱則苦濕燥與濕反苦性乾燥故急食苦味燥之脾土病受制於木緩土性也緩則木不求制而土自旺故脾欲緩也甘能緩急食甘以緩之苦則堅燥故用苦瀉之逆土性也甘益於脾故以甘補之

脾苦濕急食苦以燥之白朮

脾欲緩急食甘以緩之甘草以甘補之人參以苦瀉之黃連

脾虛以甘草大棗之類補之如無他證益黃散補之心乃脾之母以炒鹽補之

脾實以枳實瀉之如無他證以黃連瀉之肺乃脾之子以桑白皮瀉之

脾主濕自病則泄瀉多睡體重倦怠急以苦燥之實則瀉赤黃睡不露睛瀉黃散

虛則泄瀉白色睡則露睛白朮散

肝乘脾賊邪風勝瀉而嘔茯苓半夏湯

心乘脾虛邪壯熱體重而瀉羌活黃芩蒼朮甘草湯肺乘脾實邪能食不大便而嘔嗽煎檳榔大黃湯下

葶藶丸

腎乘脾微邪惡寒而泄理中丸

凡脾之得病必先察其肝心兩藏之虛實原其所始而療之蓋肝爲脾鬼心是脾母肝氣盛則鬼勝心氣虧則脾之生氣不足盛者抑之則退虧者益之則平故有抑肝益心二藥診其脉肝心二藏俱和是脾自生疾矣須察本經虛實而治之此卽責法

治肝藏實熱相刑於脾脾旣受病先診肝脉弦緊或脾脉微帶弦急卽宜服此通肝飲後服脾藥脾受肝熱邪多吐逆受肝冷邪多飧泄

荊芥 羌活 防風 蔓荊子 川芎 連翹

山梔 麻黃各等分

右爲細末每服三錢水二鍾煎八分食後熱服

治心氣不足脾乏生意卽宜服益心氣散

人參 白朮 菖蒲 藿香 遠志 川芎

白芷 陳皮各等分

右爲末每服二錢水一鍾煎七分和渣服

白朮散正補脾經

人參 白朮 茯苓 甘草 木香 藿香各一兩

乾葛五錢

右爲末每用二錢水一盞煎五分溫服

四君子湯

人參 白朮 茯苓 甘草 加橘紅 半夏

右爲末熟湯調下二錢或作湯亦可

平胃散

陳皮 厚朴製 甘草 蒼朮製

右爲末每用二錢熟湯下或作湯加薑棗煎

益黃散又名補脾散

陳皮 青皮各一兩 訶子去核 甘草各五錢 丁香 二錢

右爲末每用二錢水一盞煎六分食前溫服

瀉黃散又名瀉脾散

藿香 七錢 梔子 五兩 石膏 五錢 甘草 三兩 防風 四兩

右剉同蜜酒炒香爲末每用二錢水一盞煎五分

安胃散

黃芪 二錢 人參 一錢 甘草 生炙各五分 白芍藥 七分

陳皮 一錢 白茯苓 一錢 黃連 三分

右粗末每服二錢水一盞煎五沸去渣熱服

治脾熱脇痛腹滿目赤不止口乾唇裂方

石膏 生地黃 汁 赤蜜 各一斤 淡竹葉 五升

水一斗二升先煮竹葉取七升去渣澄清煮石膏取

三升五合去渣下地黃汁及蜜煎三升細服

檳榔散治脾寒飲食不消勞倦氣脹噫滿憂不樂方

檳榔八枚人參 茯苓 神麴 麥蘖

吳茱萸 厚朴 白朮各二兩

右爲末食後酒調方寸匕日再服

麻豆散治脾弱不下飲食餌此以當食方

大豆黃二升炒 火麻子炒令香

右爲末隨意飲湯下

瀉胃熱方

梔子仁 射干 升麻 茯苓各三兩芍藥四兩

白朮五兩生地 赤蜜各一升

右咬咀水九升煮四升半去渣下地黃汁煮三升下

蜜煮三升作四服

人參散補胃虛寒身枯瘦骨節痛

人參 甘草 細辛各八錢麥門冬 桂心

當歸各七錢乾薑二兩遠志九錢吳茱萸一兩

蜀椒三錢

右爲末食後溫酒調下方寸匕

治胃氣虛冷風邪攻之食卽嘔逆食不化泄瀉黃瘦

訶子一兩煨取皮 舶上硫黃二兩肉豆蔻 吳茱萸

防風 厚朴去皮薑製 川芎 蒼朮 藿香

獨活各八錢

右爲末煉蜜丸如梧桐子大半夏湯下

胃風湯治風冷乘虛客於腸胃水穀不化泄瀉注下腹脇虛滿腸鳴及腸胃濕毒下如豆汁或瘀血

白朮 白芍藥 川芎 人參 茯苓去皮

當歸各二錢 肉桂去粗皮五分

水二鍾粟米一撮煎至一鍾不拘時服

治脾胃俱實熱方

大黃 麻仁 黃芩各四兩 杏仁 赤茯苓

甘草 陳皮 芒硝 澤瀉各三兩

右咬咀水九升煮三升絞去渣內音納大黃煮三沸去

渣下硝分四服得清利快止後服

白朮散治脾胃虛寒

白朮 茯苓 人參 川芎 神麴 麥蘖

厚朴 吳茱萸各二兩

右爲末酒服方寸匕食後服一方加大腹皮陳皮